



# 論說 懺悔 果安

世之最靈 萬物之最靈 者：人也；爲人之最靈者，心也！眼之於色、耳之於聲、鼻之於香、舌之於味、身之於觸、意之於法，以至四肢運用，亦心也！至於事物之能大、能小、能柔、能剛、能高、能低、能勝、能敗、能強、能弱、能進、能退、能善、能惡、以至治亂興衰、玲瓏乖巧、能藏萬卷書，能包羅天地萬事萬物，三千大千世界皆心也！惟其猶如滴水也；決諸東方則東流，決諸西方則西流，傾刻如此，剎那如彼，八識紛飛！方寸不寧！難期不悞矣。語云：「人非聖賢，孰能無過，過而不改，是謂過矣」；曾子曰：「吾日三省吾身」；子路：「人告之以過則喜」，賢者用心，雖無心之失；常知警焉，中下之人，每因過犯，經人勸勉，仍執己見，頑抗巧辯，以示無過，所以最難發者，懺悔心也；懺者，懺其前愆，悔者，悔其後過；又至難持者，亦懺悔心也，凡人之過，很者遂之，詐者文之，愚者蔽之，吝者執之，誇者諱之，怠者安之，孰能盡出數累之外，而懺悔心獨發者乎？於是懺悔心未發，則愛其難發；既發，則憂其難持，懺悔心初發，自厭自愧，自怨自咎，焦然不能以一日安，苟無法以持之，則自厭者，苟且弛縱，必入於自肆矣；自愧者，退縮羞赧，必入於自棄矣。自怨者，鬱積繳繞，必入於

於自懺矣；自咎者、憂憤感激，必入自殘矣；是懺悔，固可以生善，亦可以生不善也；萬斛之舟，一時蕩入海港，非遇大風不能回；苟無法以持之，因風反瀾者多！一念之悔，其勁烈，益甚於風焉，烏可不知所以持耶？倘持之無方，搖搖如懸旌，其造心也危！其慮患也深！將至反本加厲，何期以望其懺悔之發心歟？若能一力精進，立其志無弛其勇，兩鬪奪刀，血流不解，敗軍奪路，中箭不回，堅持也；螻蛄擊手，壯士斷腕，毒矢著身，英雄刮骨，強持也；以堅強之毅力，用真智以定方針，無掛碍恐怖，遠離顛倒夢想，如弩箭離弦，即刻到靶，則不期然而收克已復禮之功矣！

## 咏性地二首 前人

如來妙諦實無遮，南北東西不見涯，會得一花真法眼，始知本地是吾家！

不離一步即西方，瞬目揚眉莫着忙，蹈矩循規無妄作，更將何事入思量！

## 茶話 印禪

一日閑來，無所事事，我與同參Y居士、H居士同在座中，正吃茶時，我舉杯問曰：「是茶者，甘耶？苦耶？」H曰：「非甘非苦」。「我又問曰：「非是甘苦，是什

麼？Y曰：「是甘是苦。」我又問曰：「是甘苦者，是個何物？」H曰：「是個茶。」我又問曰：「茶有差別否？」Y曰：「差別亦是茶。」我又問曰：「吃茶者，是誰？」Y以目視茶默然不語，我即口誦一偈讚曰：「妙哉！一默若雷震十方，根塵迥脫露真常，原來佛法無多子，六竅門頭盡放先。」遂又曰：「是法平等，無有高下，一切是非甘苦，言也、默也，乃至名相戲論等等，盡在這吃茶底麼？」時衆皆曰：「然！善哉，不二之法也。」我又曰：「不二之法，俱有神通變化，諸同參有神通否？有則請顯神通一觀。」稍久不動，我即舉杯曰：「看我飯桶漢，顯神通吃茶啊。」斯時也，言是言非的，有說無說的，一時神通頓現，各自舉杯吃

茶，因作一偈頌以誌曰：「一樣清茗味有差，默然殊語亦非他，我來今日無餘事，共與同參吃香茶。」

## 有獎猜謎

允文作

- 一、不分人種（佛學名詞一）
  - 二、一鉢萬里遊（天界名一）
  - 三、托生處（地名一，捲簾）
  - 四、坐井觀天（佛教國家地名）
  - 五、新舊官交接（國名一）
- 66期謎底：一、善哉善哉。二、善導。三、哭。四、波旬。五、了中。
- 應徵注意：射中二則以上者即發獎，本月二十日截止。

## 香港影印大般若經 歡迎各地參加附印

（香港訊）：本港佛教同仁，爲宏揚佛法，續佛慧命，普利衆生起見，特於五月廿日假東蓮覺苑大禮堂，召開成立影印大般若經委員會大會，經大會議決，決定影印大般若經壹千部，以供各方供養閱讀，期增福慧，共證菩提。由即日起，徵求預約，八月間交付，約需時半載即將全部經出齊，選用上等道林紙，分訂廿四厚冊（廿一開本），用充皮揚金布面裝訂，份外美觀。按大般若經爲全藏經中最大之一部經典，全經共分六百卷，由於卷帙浩大，每欲單行請乞，向少流通，同仁等有鑑及此，故特發起翻印，使此無上法寶流布各方。港九方面，現由當地維素委員大德熱心推動，已募集四百餘部，尚希我國海外大德長者，發心隨喜附印，價此千生罕遇，萬劫難逢勝舉早日完成，功德誠爲無量也，該經每部訂價港幣二百元正，凡先期預約者，僅收成本費港幣一百二十元正，郵包費另加。如蒙隨喜附印及捐款贊助功德者，請將芳名早日寄下，以便刊於經末，藉留紀念云。地址：香港永樂西街一五二號四樓大般若經刊行委員會收便。聞大般若經刊行會，徵求預約通啓文，正排印中。（開）六月十八日